

ادبیات کمر و مہر محمد علی

ہفتہ لق سیاسی ، علمی و ادبی غزتہ در

جلد : ۲

سنہ : ۲ ۷ ربیع الاول ۱۳۳۶ ۲۲ کانون اول ۱۹۱۷ نومبر ۱۶ — ۴۷

احمال و فکر

طلبہ عثمانیہ و اروپا

ممالک عثمانیہ دن ، دائماً ، طونیا لاتولرلہ اوروپاہہ خام مواد ، یوٹک ، ایپک ، دری ، آفیون کیندیور . بونلر ، اورادہ ، غرب عقل وسعینک التحاق وانضمامیلہ ایشلمش برمتاع ، طریف برقوستوم ، نارین ، وشفاف برچارشاف ، کوزل وصاغلام برقوندرہ ، برشیشہ دوای شافی شکلندہ اصلہ رجوع ایدیور .

عجبا ، بونک کبی ، بورادن غربہ ایشلمش مش سرمایہ آدمی کوندروب ، ایشلمش امتعہ انسانہ جلب ایتک قابلیدر ؟ بوجھتک ، شیحدیلک ، تدقیق فضولیاتدندر . شوقدر وارکہ تاسلطان محمود عدلی عہدندن بری ، مملکت مزده صنف مجدد وممتاز بوفکرہ قناعتکار اولدیغندن ، بعضاً آرز ، اکثریتلہ چوق ممالک غربیہ و بالخاصہ فرانسیہ طلبہ کوندرمشدر .

آرہ دن تقریباً برعصر کچدی . شوخاربه عمومہ رأس تاریخسندہ کوچک بریلانچو تنظیم ایتک اقتضا ایدر . کندی کندضرہ صوراریز : اولاً - کیدنلر تغرب ایدرک ابنای غربک خصائل آلیہ سنہ تمثیل ایتدیلر می ؟ ثانیاً - بونلر دن وطن وملت مستفید اولدیمی ؟ ثالثاً - شہرہ تکاملدہ توقف ویاتدنی ایدن برہیت ، جبرمافاة ایتک ، ایلرلک ایچون بویلمی حرکت ایتلی ایدی ؟

ظنمز سراپای خطا و ذہول دکلسہ ، شواسئلہ ثلثہ بزم ایچون برنجی درجہ دہ جائز اہمیت مواد غامضہ و معضلہ در . اوروپانک بر جاذبہ سی وار : حیات مادیہ ومعنویہ اورادہ دہا طاعتی . اذواق واشواق دہا زیادہ اودیاردہ دہا فضلہ و دہا ای یاشانیور . اوروپاہہ پرکیدن دکل ، اورانک جریان حیاتی طویان و بنا رسملرینی کورہن بیلہ کشور افرنجک مسحور آہنکی اولیور . بناء علیہ ، برچوجق ، اوروپاہہ کیتک احتمالی ذہنیہ برلشدیرر برلشدیرمز ، کلین اولہ جفنی قوران برقیزکی ، معناً بربحران ومستی لطیفہ اوغرییور . لکن ، اطفال جائز پایہ رشد اولدقلرندن کیندیلرینک بویابدہ بررأی ومطالعہ سی اولہ ماز .

مقتل پانچ عرب و سیاست

[۱۲ - ۱۸ کانون اول ۱۹۱۷]

برائیلی متارکہ — روسیہ و رائٹوف مملکت لرنده — ہیرہ ہیرہ — مملکت لرنده متعلق

روس سارلہ عقد ایدلش اولان ، ایک ۷۸ سندن ۱۷ سنہ قدر متحد ، اون کونلک « تعلیق خاصیات » اٹناسندہ متارکہ مذاکراتی ایلری کوتوریلہ جکدی . فی الحقیقہ استحضاری قومیسونلرک فعالیت سیایہ سندنده ، روس سارلہ اتفاق مربع دولتری صرخصلری ایک ۱۳ ندہ آلمان جبهہ سی آرقہ سندنده (برہست لیتووسق) شہرندہ متارکہ مذاکراتہ باشلایہ رق ۱۵ کانون اولدہ نتیجہ قطعہ یہ واصل اولدیلر ؛ متارکہ معاہدہ نامہ سی امضا ایدلدی .

تبلیغ رسمی یہ کورہ ، اشبو متارکہ ۱۰۷ کانون اول سنہ ۱۹۱۷ زوالندن ۱۴ کانون ثانی ۱۹۱۸ زوالنہ قدر ۲۸ کون دوام ایتک اوزرہ بحر بالطقدن قارہ دکزہ قدر اولان متفقین وروس جبهہ لرنده وقارہ دکز و آسیادہ کی عثمانی - روس جبهہ لرنده بولنان بالجلہ قوای حربیہ یہ شاملدرہ ختامندن یدی کون اول وقوع بولہ جق بر اخبار ایلہ فسخ ایدلہ دیکی تقدیردہ اشبو متارکہ ۱۴ کانون ثانی ۱۹۱۸ دن صوکرہ دخی اکندیلکنندن دوام ایدہ جکدر .

اشبو متارکہ نک امضاسیلہ برابر صلح مذاکراتہ باشلانہ جقدر .

قارہ دکز دہ سفائن تجاریہ نک سیروسفری سربست اولوب کرک قوای حربیہ بحریہ ایچون خط فاصل و کرک سفائن تجاریہ ایچون تہلکہ سز یولار تعیننہ عائد مقررات لازمہ اتخاڈی خصوصی بر قومیسونہ حوالہ اولونمشدر .

قارہ دکز دہ سیروسفر ایدہ جک سفائن تجاریہ نک اشبو قومیسونک نتیجہ مقرراتہ قدر طور پیل تہلکہ سندن طولانی معروض قالملری محتمل قضا مسئولیتی کمی صاحب لرنہ عائددر .

بومتارکہ نک قیمت عسکریہ و سیاسیہ سندن اوزون اوزون بحثہ حاجت یوقدر ظن ایدہ رز . زیرا بوبر بدیہہ در . واقعا ، متارکہ نک دیگر شرطلرنی و طرفینک بربرلریلہ اخذ و اعطاسنہ مساعد اولوب اولماد بفتی بیلہ بورسہ قده ، طرفین در حال صلح مذاکراتہ باشلامنی تعہد ایدیورلرکہ یالکز بونک خارق العادہ اہمیتی مستغنی ایضاحدر . اتفاق مربعک شرق جبهہ لرنده تصرف ایدہ جکی یوزی متجاوز فرقہ لقی قوتلرلہ نہ بونوک ایشلر کورہ جکی آشکاردر .

❁ روسیہ نک صلحہ طوغری کیمہ سی حادثہ سی ، ائتلاف مملکت لرنده پک زیادہ بارز بریاس واندیشہ تولید ایدیور . اورالردہ صلح ، ہر زماندن زیادہ ، حربیچولرلہ صلحچورلر آراسندہ اشتداد خاصمہ یہ سببیت ویریور . فرانسدہ (قلمانسو) ، انگلترہ دہ (لوئید جورج) ، ایتالیا دہ (اورلاندو) صوک ہفتہ ظرفندہ اک شدتلی سوزلرلہ حربی مدافعہ ایتدیلر . فقط صلحچورلرلہ حرکاتی وقوتی ہرشیئہ رغماً ایلری کیدیور . چونکہ بونلر ملت لرک احتیاجات عاجلہ سندن اخذ قوت ایدیورلر .

فرانسه ده (قله مانسو) ، کال شدتله، خصلمی اولان صلحچورلری تضییق سیاستنده دوام ایدیور . اعیاندن (شارل هومبر) دن صوکره سابق باش وکیل ومالیه ناظری (قایو) علیهنده تعقیباته یاشلاندی . (قایو) که فرانسه نك اك بنام رجالدندر . اوده علیهنده نه لر حاضرلاندیغنه ، حربك بدایتندن بری صلحچورلکله اتهام ایدلدیکنه غیر واقف دکلدر . آرقه سنده ده قوتلی برفرقه وار . اوسسبله پارس عسکری قوماندانلنك « دشمن دولترلرله مناسباتده وفرانسه نك اتفاقلرینی محل و صلحچورانه تشبثات و حرکاتده » بولونماسندن دولای (قایو) نك جنایتله اتهامنی طلب ایتمه سی ، تحقیقات واستجواباتك باشلامه سی هر حالده ، (قایو) نك مغلوبیتنی دکل ، بالعکس « قله مانسو - قایو » دعواسی شکنده فرانسه ده - اوتهدن بری بکله دیکمزی یازدیغمز - داخلی بر خسته لک اعراضی باتلاق ویرمه سی اثبات ایدهرم . (قله مانسو) فرانسه نك الك صوک (کهره نسکی) سی ایسه ، (قایو) ده (له نین) ی در . فرانسه یی ، طریق سلامتته بوآدم ایصال ایده بیلمك قابلیتنده در . فرانسه نك حربك نتیجه سز دوامندن فنا حالده مضطرب اولدیغنی کوروپورز . فرانسه ، یاقیتنده برآلمان ضربه عسکریه سندن ده قورقمقده در . زیرا اتفاق صربع قوتلری ایچون آرتق یالکیز برتک جبهه قالمشدرکه اوده فرانسر جبهه سیدر . فرانسه ده کی جریانلرک تحت تأثیرنده (قله مانسو) یاقیتنده سقوط ایتسه کړک .

روس متارکه سی مواجهه سنده - اولجه ده یازدیغمز کی - ائتلاف دولتلری بر وضعیت احتیاطکارانه التزام ایدیورلر . حتی روس قومه خیر خواه کوروپورلر . اولر یالکیز شیمدیکی « بولشه ویک » حکومتك کویا روس ملتتی مشروع بر صورتده تمیل ایتهدیکنی ادعا ایدیورلر . و (قاله دین - قورنیوف - کهره نسکی) ارتجاعی بکله یورلر . حال بوکه (بولشه ویک) لر بوش دورمایور . برطرفدن مجلس مؤسسان انتخاباتی اجرا ایدیور . وهر طرفده اوچده ایکی نسبتنده (بولشه ویک) فرقه سی قازانیور . زیرا خلقك صلح پرور فرقه بی التزام ایتمه سی طبعیدر . یاقیتنده مجلس مؤسسان طویلانه حق وحکومتك متارکه و صلح عزمنی ملت نامنه تصدیق ایتدکدن صوکره ، عجبا ائتلاف دولترلنك بوکونی ادعای برهوا اولایه جقمی ؟

دیگر طرفدن (له نین) حکومتی (روستوف) و (نوو چرقاسق) طرفلرنده قوتلرینی تحشید ایددن قازاق جزالی (قاله دین) ورققای صرتجعه سی اوزرینه عسکر صالديرمغه وحتی برقچ مصادمه ده احراز غلبه ایده رهك (قاله دین) ك ارکان حربیه سی توقیفه موفق اولمشدر . قاره دکر دوناماسی ده حکومت حاضریه یاردیم ایتکده و (دون) نه ری طریقله قوای امدادیه کوندرمکده در . بناء علیه حکومت حاضره نك درعهده ایتدیکی متارکه و صلح مسئله سنده ، - بر چوق مشکلاته دهامعروض قاله جنی شبهه سز اولقله برابر - عزم و موفقیتله یورویه بیله جك درجه ده قوتلی اولدیغنی فکرنده یز .

(بولشه ویک) حکومتی ، صلح مسئله سیله و ارتجاعه قارشى مجادله ایله مشغول اولمقدن باشقه ، محس مؤسسان انتخاباتی اجرا ، خصوصی املاک و عقارک حکومت نامنه استملاک ایدله سی اعلان مختلف قومینلره استقلال ومختاریت بخش ایتك صورتیه کندى اعظمی پروغرامنی ده تطبیقه چالشیور . (فیلاندا) ، ده تك صوک بر قراریه ، قانون اساسیسی اعلان ، جمهوریتی قبول ایتدی . و روسیه دن قطعاً آیریلدی . قرمزى زمین اوزرینه صاری صلیبدن عبارت بریایراق قبول ایتدی . (فیلاندا) قدر استقلاله حاضر لائش اولماقله برابر (اوقرانیا) ده الیوم آیری بر حکومت شکنده مذاکرات صلحیه کریشیور . شرقی روسیه ده کائن اسلام دیارنده (اوره نیورغ - اوقا - سامارا -

قریم) ولایتلرینی شامل (باشقورد) اراضیسی ده، استقلالنی اعلانه قرار ویرمشد. روس عساکر محافظه سی بورادن چکدیرمشد.

روسیه بویله حادثات معظمه یه شاهد اولورکن غربده، کندی کندینی ییهن (پورتوغال) جمهوریتنده بری و بحری عسکرلریکی بر اختلال ایله، رئیس جمهور (ماخادو) بی طرد ایدرک، بر قول آغاسنک تحت ریاستنده اختلاجی بر حکومت تشکیل ایدیورلر. بو اهمیتدن عاری و آنجق محلی بر حادثه در. متفسخ بر لاتین ملتک علامت اضمحلالیدر. اوقدر.

جبهه حریده کی حادثاته کلنجه : صوک هفته ظرفنده اهمیتلی برشی اولمامشد. یالکز ۲۵ کانون اول تاریخلی آلمان تبلیغ رسمیسی، انگلیزلرک (فلاندر) ده آلمان تحت البحرلری اسالحرکه لرینی ضبط ایچون بوتون اردولریله و فرانسلرک معاونتیه اجرا ایتدکلی اوچ آیلق تعرضک صورت قطعیه ده عقیم قالدیغنی و بالعکس (قامبره) جوارنده انگلیزلرک هزیمته اوغرادلدیغنی مفتخرانه براسانله بیان ایدیورکه بک دوغریدر. ۱۹۱۷ سنه سی ده ائتلاف دولترلرینه موعود ظفری کتیرمه مش، فقط اتفاق صریح هم ایتالیان ظفرینی، هم روس صلحنی کتیرمشد.

عثمانلی جبهه لریندن یالکز سینا جبهه سنده فعالیت وار. آطه لر دکزی ساحلنده (چشمه) شمالنده ایکی کوچوک آطه بی اشغال ایله دک.

مملکت مزه متعلق حادثه لره کلنجه : ولی عهد سلطنت دولتلو نجابتلو وحیدالدین افندی حضرتلری، رفاقتلرنده خارجی ناظری احمد نسیمی بک بولوندیغنی حالدیه ویانه وبرلینه متوجهاً اولکی کون شهریمزدن حرکت بویورمشلردر. ذات حضرت پادشاهی نامه زیارت ایله برابر مختلف حرب جبهه لرینی ده زیارت بویوراجقلردر.

مجلس مبعوثانمزدده جیغاره کاغدلری رسم استهلاکنی مبین قرار نامه حقننده جریان ایدهن مذاکرات شایان دقتدر. مالیه نظارتی بورسمدن سنوی ۷۰۰ بیکلیرا واردات تخمین ایتیکده در. مالیه ناظری جاوید بک، بو مناسبتله بیاناتده بولونارقی، حرب قازانجلری ویرکوسی ایچون بر لایحه قانونیه احضار ایدلبکده اولدیغنی و یاقینده مجلسه ویربله جکنی، کذلک اعشار و اغنام ویرکولری غیر قابل تزئید بر حاله کلدیکندن، یکیدن بالواسطه بعض رسوم استهلاکیه وضعی مقرر اولدیغنی سویله مش و بولرکده بو سنه ایچون اوپون کاغدی، کبریت، قارو، و کله جک سنه ده شکر، قهوه و سائر اوزرینه وضع اولونا جقنی علاوه ایتمشد. ناظر بک بیاناتدن آکلایورزکه، تمتع ویرکوسی ۲۵۰ بیکلیرادن عبارت ایکن اولونان اصلاحات سایه سنده الیوم بر میلیون لیرایه چیقارلش وده اده بر یققی میلیون لیرایه ابلاغی مأمول بولونمشد.

کذلک مملکت مزده سنه ده ۸ میلیون کیلو رژینک و بر بوقدرده قاچاق توتون صرفیاتی اولدیغندن بوندن ۱۶ میلیار سیغاره چیقمقدده و بوندن ده شیمدیلاک ۷ - ۸ یوزبیک وایلریده بر میلیون فضا لیرا رسم استهلاک اخدی امید ایدلبکده در.

هر حاله مملکت مزک جان طاماری حکمنده اولان مسائل مالیه بی دقتله تعقیب ایتک بک مهم بر وظیفه و احتیاجدر.